



ATASSUT

UPA14/156-1

Knud Kristiansen

13.05.2014

Sinerissami tarnimikkut napparsimasut sullinneqarnerisa pitsaassusaata ukiut tamaasa nalilersuiffiqineqartarnissaa siunertaralugu Naalackersuisut peqquneqarnissaannik Inatsisartut aalajangiiffigisassaattut siunnersuut. Naliisussat tassaassapput atuisut sulisullu ulluinnarni pineqartunik passussisartut.

(Inatsisartunut iklaasortaq Agathe Fontain, inuit Ataqtigiiit)

ATASSUT-miit qitiutilluinnarlugu pingaartipparput, tarnimikkut napparsimasut tamatigut aallaavigalugit sullinneqarnerat, aammalu ikorfartorneqarnissamik pisariaqartitsinerat aallaavigilluinnarlugu iliuusissamik pilersaarusiukkamik sullinneqarnissaat.

Inuit tarnimikkut nappaatillit isumassorneqarneranni katsorsaaneq, siunnersuineq, aammalu sullissinermi atugarisat pillugit, najugaqtigiiffinniippata, imaluunniit namminneq najugalittut najugaqtigiiffimmiippata assigiimmik inuttut pisariaqartitaat aallaavigalugit isumassuineq tungaveqassaaq.

Siunnersuuteqartoq isumaqatigaarput, oqariartuutigimmagu, tarnimikkut napparsimasut nalilersueqataasinnaanissaannut, pisariitsumik paasiuminartumik atugassanik sanasoqarsinnaanerani. Taamaasiornikkut sullinneqartut aamma peqataatinnerisigut pitsaasumik angusaqartoqarsinnaammat.

ATASSUT-miit Naalackersuisut akissutaat tigulluarparput. Aammalu suliniutit ingerlanneqartut, sulinerullu nanginnissaanut pilersaarut suliarineqartoq neriulluarfigaarput, aammalu taassuma tungaanut ilusilersueqataanissarput pingaartipparput.

Taamatut oqaaseqarluta Naalackersuisut innersuussutaat, allannguutissatullu siunnersuutaat akueraarput.